

瘡疹論藥方

○預截熱毒第一

一初生服生地黄汁仲景云孩兒初生下時宜進生
在孩兒口中即下黑屎至壯年亦不害瘡疹

地黃汁點

二冬溫服生油劑扁鵲云小兒臟腑伏於熱毒未成瘡疹疾候
四肢微覺有熱食物似減頭髮乾立或時額多微熱宜服
生油劑方

右用生油一小盞似入身溫熱水一小盞旋旋傾熱水一
小盞入油盞內不住手以杖子打攪直俟入盞熱水攪打
令均如蜜即止夜卧時三歲前至百日及一晷內每服二
蜆殼五歲至七歲每服三蜆殼十五歲以前至十五歲服
三蜆殼至半合直至大人每服一合至二合量大小增減
與服之服後良久令卧少時服三五服大小便利四肢熱

退瘡毒不生也萬全方云福鵠論可先服以油劑服之行
解四肢熱極或瘡痘已出不可以油劑服但服和平藥療
於肝臟解其大熱慮熱毒太盛

三冬溫服三豆飲子大凡有時行瘟毒天行瘡痘者宜預服之

赤小豆 黑豆 菜豆各半 甘草一兩

右用水九升煮候豆熟為度逐日空心任意飲之七日後
瘡必發快龐氏云冬月溫暖小兒輩必發瘡痘宜預服三
豆飲子以解之

四欲不患瘡疹服葛根汁治時行瘟毒瘡痘正發欲不患瘡疹
者預煎汁入酒以飲之則解之累用甚應本草云葛味甘苦
寒治一切蠱毒又治一切血病月經不止腸風痔瘻排膿
治瘡疔疔血撲服痰血皆宜服之

五覺溫壯熱服葛根散天行熱氣欲發痘瘡作熱疾者宜服解

肌出汗

葛根 麻黃各一 石膏二兩 更苓
芍藥 桂枝 甘草各半

右為翁末每服四錢水一盞煎至半盞溫服取少汗出若
先自汗者即去麻黃

六樺皮湯治傷寒時氣腕豆瘡毒

右用樺皮木剉煎溫服取安樺皮味苦平無毒治肌熱黃
疸治時瘟熱熱毒瘡今腕豆是也及治乳癰初作腫硬欲
治癰腫其治瘡痘可知

七必勝散治瘡疱出未能勻逼此藥透肌解毒或不利其瘡毒
已先發者宜解毒服之

右以牛蒡子不限多少炒令熟杵為細末每服一錢入劑
芥二穗水一盞同煎至四分放溫與服如瘡疹已出更與

服元妙牛旁子本草云癰未破者服一枚能出癰疽頭故
出而未透勻者宜用之又云通十二經脉十二經脉既通
毒氣出齊無阻矣

八涼驚丸治瘡疹五臟皆見木勝土木歸心故預防發癰者

龍膽草

防風各末

青黛分三

鈎藤錢二

牛黃

麝香字七

黃連分七

龍腦錢一

右同研細末麪糊為丸如粟米大每服三五丸至一二十
丸煎金銀湯送下温服

九括萋散治斑生於心心生熱熱則生風風屬肝二臟相搏風
火相爭故發搐也治之當瀉心肝補其母宜用之

括萋根末

白甘遂末各

右同慢火上炒焦黃研勻每服一字煎麝香薄荷湯調下
無時服

○無疑似解利第二

十升麻湯治大人小兒時氣瘟疫頭痛足令脉數發熱肢體煩
疼及瘡疹疑貳之間並宜服之或未經解利而瘡者已發
又云證候未全或未明者但可與解散之也又去慮瘡疹
大便自如常者亦可服升麻湯蓋用升麻其性苦寒無毒
主解百毒殺鬼邪辟瘟瘴蠱毒中惡腹痛咽喉口瘡皆毒
也瘡痘亦毒故也其次用葛根性平治消渴大熱解肌發
表出汗開腠理治頭痛升麻葛根二藥皆治伏熱毒動心
恍惚驚悸煩燥天抵瘡疹是蘊熱毒葛根解熱升麻去毒
也病熱而藥性微寒冷熱相攻則為藥治時行寒熱又法
血痺使瘡痘易出也又利小便瘡疹有文熱者則利小便
也次有甘草調和之况新書言瘡疹渴燥甚者亦用炙草
散主之四者解毒治熱調榮衛為治瘡疹之要藥也為其

疑貳之間非瘡疹伏熱而發熱者有傷寒傷風傷食驚證
兼患瘡疹而稟氣法者皆發虛熱而非實熱若服之是瘡
疹者則毒滅而愈他證者及以為害不能盡述其由但有
壯熱而面青目白睛不黃赤大便不秘小便清者皆不可
服裏無蘊熱故也此藥治未發瘡疹之前瘡疹已愈之後
服之消毒故也非正出時服

升麻

葛根

芍藥

甘草等分

右為齋末每服二錢水一盞同煎至半盞去滓溫服不拘
時候亦可為細末湯調服身心煩熱即溫服寒多即熱服
十一惺惺散治數證皆為純陽人所用古人處為小兒藥非乃
裏寒者可服且以藥對其證用之意大抵渾身止熱必由
風熱瘡疹傷寒時氣且先與之也其頭痛目澀汗流清涕
者用細辛喘逆者用桔梗入參多睡者用茯苓恐傷寒時

氣乘裏弱者用白朮也治風熱瘡疹括萎根也括萎味苦
寒治身熱煩滿大熱除腸胃中痼熱八疽面黃渴前可
水止小便利熱而宵痺不下乳陽證傷寒治癰下等上
其熱也故非裏寒者可用其裏寒者由身有大壯熱不渴
而大便反利小便不赤面青目白睛不黃赤皆裏寒證也
其中雖有白朮以溫終非為虛熱者用人之臟腑寒則寒
藥先効熱藥未必能制之臟腑熱則熱藥先効寒未必能制
之此勢之自然也豈得不辨表裏冷熱而用藥也和劑方
小兒傷寒壯熱當先服此大効次服羌活散如壯熱未退
切不可與通利大便及涼藥恐是瘡疹服藥則誤也

苦桔梗

細辛去葉

人參

甘草炒

白茯苓

括萎根

白朮各一兩半

右為細末每服一錢水一盞入薄荷二葉同煎至三分去

相溫服要知氣入薑煎不拘時候身雖壯熱大便自利者不可服

十二荆芥散治麻痘子無瘰癧或癰疹大便自過

右用荆芥少許爛研以新井水將布帛裂過入一滴許麻油打勻令飲之便不亂悶麻豆已出用黃蠟煎青膠水飲即安青膠水乃牛皮膠也荆芥治血風麻子是疹子常言風癢癰疹則皆出皮膚其毒輕而浮又以麻油打勻此滑竅之理又以黃蠟煎青膠水服則安此滋血行榮衛榮衛既順麻疹出矣指迷方荆芥湯乃消毒飲加薄荷煎服之

十三羌活散解熱散毒治風壅欲作瘡痘者

羌活 獨活 川芎 桔梗
蟬退 前胡 柴胡 地骨皮
甘草 炙 括萎 天麻 炙 荆芥

防風各等分

右為細末每服一錢水三分盞薄奇三葉盞內六分至二分通口服量火小加減藥水此藥詳其藥味治風治寒治驚下痰涼脾治血熱透肌但實熱發無所不治如稟受怯弱或脾胃弱或外熱自白睛青色皆裏無熱不可輕用

十四奪命散治瘡疹已發未發並宜服之

升麻 糯米 紫草 甘草 半兩 各木通 半錢

右剉為散每服一大錢水七分煎四分去滓溫服出瘡疹熱毒勢甚者可服解蘊熱利小便瘡痘初發氣盛亦宜服十五牛旁散涼風解毒

右用牛旁子炒為末水煎一盞服之小兒冬月有非節之緩及春月天氣暄暖或甘肥之過或重衣溫厚幃帳周密

傷皮膚害血脈瘡瘍發黃是生多疾宜預常服之也

十六葛根橘皮湯治冬溫未即病春被積寒所折不得發至夏

熱得其寒解冬溫始發肌肉斑爛癰疹如錦紋而咳心悶

但嘔吐清汁服此

葛根 橘皮去白 杏仁去皮 知母

黃芩 麻黃去節 甘草炙

右件剉散等分每服抄三錢用水一盞同煎半盞去粗溫

服不拘時候

十七薄荷散方小兒總覺是瘡疹宜服之

薄荷葉一兩 麻黃云前 甘草炙半

右為細末每服二錢水一中盞棗二枚生薑三片同煎至

六分去粗飲溫日三兩次服此是小兒稟受雍氣毒氣甚

者宜服之蓋此方云小兒總覺是疹痘便服之服之而汗

出者服調中散服薄荷散若作寒熱脈反遲者進脫齒散

以溫之詳其理非下藥之法也實者服之未必安虛者以

之必危殆

○熱甚生風者第三

十八獨勝散治小兒發瘡痘早微熱晚大熱目黃脇動身熱手

冷發甚如驚者又名牛旁傳毒散

牛旁子半兩 白僵蚕一分

右為麤末每服一大錢水六分盞紫草二七寸同煎至四

分盞連進三服其痘便出此藥用牛旁子出癰透肌印僵

蚕治遍身癰疹疼痛成瘡為末酒調服之立瘥又以紫草

煎之令利竅是瘡疹證無虛寒證者服之立出也

十九抱龍丸治小兒一切風熱中暑驚悸瘡疹欲出多睡咳嗽

痰盛面赤手足冷發溫壯睡中驚搐搦不寧脈洪數頭痛

南星 利為劑却入膽中 利為劑却入膽中未用臘月黃牛膽汁 天竺黃二兩

朱砂 二錢研 雄黃 半兩 麝香 一錢 牛黃 一字

右同研極細滴水和丸如鷄頭實大每服二歲見竹葉薄荷湯化下一丸不拘時候錢氏云因驚而生熱用藥發散熱入於表故表熱不退而生斑宜服之有大熱者利小便有小熱者宜解毒其出快勿表勿下宜服袍龍丸

紫草 白附子 各一錢 麻黃 去節 甘草 各二錢

全蝎 十箇 僵蚕 二箇炒

右件為末用蜜一兩酒半盞入紫草煎數沸後令旋旋同和前藥丸如皂角子大每服一粒用紫草煎湯化下編用黃芪散調治詳之本草云無毒治病十去其十以上等藥也猶如紫草膏治瘡痘兼此藥治驚癇風疾又治瘡疔出

不快如瘡疹所作之初似傷寒傷風驚風瘡疹疑貳之間與服之皆有主治不至敗事可與上等藥同矣此曹家常醫之為妙

○感冒風寒與瘡疹相雜者第四

二十紅綿散一名天麻散治傷寒及痘疹

天麻 荆芥 甘草 炙 麻黃 去節各二錢

右為末令勻每服一錢水半盞薄荷二三葉酒四五滴煎二三沸帶熱服之如疹子未出再進一服相次又進一服若是傷風服亦不妨此藥大抵為解表之藥也治身有六熱面赤氣壅無汗者為表未解也可服之蓋此藥以天麻麻黃為主治也有汗不得服麻黃者其腠理已疎開不宜更發汗也如有熱更有汗者則惺惺散為和解之藥也故

仲景論表證有發汗者有和詳者有調和榮衛者今有汗者不可服麻黃則和詳藥為可用如更有虛寒證者又止宜調榮衛也如和詳散之類是也論此藥能治瘡疹者芥主寒熱鼠癩癰癰生瘡下痰血天麻治諸毒惡氣皮膚壅滿熱毒癰腫蝎治諸風癰疹筋脉諸風小兒驚風其荆芥天麻蝎三味皆性平治瘡理血故宜瘡疔服也

二十一 五積散治傷寒寒疫內傷生冷者所服也瘡疔本蘊熱毒小兒熱盛洵則飲冷熱則當風反被風寒所伏寒熱相搏面青發熱心煩自利者宜以此藥散其內外寒毒然後熱氣上行或汗或瘡疔或癰疹服之而愈矣

方見寒門

二十二 麻黃湯治瘡疹煩喘甚者主之

麻黃 去節

杏仁 去皮尖

甘草 炙

桑白皮 蜜炙

右剉為散每藥一錢用水七分盞同煎至四分盞去粗溫服之若脉數有熱未退者入竹瀝少許咽喉病或嗽者煎熱入麝香少許服之

○調平瘡疹用之第五

二十三 紫草飲子治小兒初覺不安辨證候有瘡疹證三四日隱又在肌膚而未出者及瘡出而遲亦宜當與服蓋紫草者能利竅則瘡疔易出也通水道去心腹邪氣則汗除積蓄之熱臟腑自安也

右用紫草二兩細剉以百沸湯一大盞沃以物合定勿令紫草氣出量見大小溫溫服之雖瘡疔出亦當輕爾

二十四 髮灰飲治斑瘡豌豆

右用頭髮燒灰令存性飲調服之古方以亂髮治丁腫骨疽治孩兒熱瘡癩熱諸般血疔極驗髮本血之餘今治諸

血瘡證從其類也

二十五牛蒡甘草散治疥豆初作服此即稀

牛蒡子一兩 甘草炙一錢

右為細末每服一字或二字茵荑煎湯調服之不拘時作

二十六兔肉醬去小兒豌豆瘡

右用兔肉臘月者作醬食去豌豆瘡無臘兔毛煎湯洗脫
豆瘡及兔毛傳良其兔腦主凍瘡骨醋磨傳之疥兔毛灰
主灸瘡兔頭皮主鬼疰毒氣在皮膚如針刺者又云主鼠
癩以兔腦兔骨兔頭皮兔毛已上主治此之皆治皮膚瘡
瘍故藥性論云兔肉平寒作醬去豌豆涼血故也蓋兔肉
多食則令人色痿損陽事絕血脉此亦涼血散熱故也

二十七安斑散調理瘡

升麻 赤茯苓 羌活 黃芪

人參 桔梗炒 枳殼炒 甘草各等

右為細末每服一錢水七分盞紫草薄荷少許同煎至四
分盞去粗放溫服之量兒大小增減此藥為解毒涼血生
肌寬腸導熱利小便快膈之藥也患瘡疹有熱無寒者可
服之

二十八蘿葡湯治斑疹瘡出不快者

右用開花蘿葡煎汁時時與飲之張氏云瘡疹氣勻即出
快尋諸本草蘿葡主治嗽定喘下氣消脹解毒解渴解麩
毒詳之皆勻氣解毒消壅則瘡疹然勻快矣此氣勻即出
快之意開花蘿葡取欲出之義爾

二十九紅子湯平調瘡疹

紅花子 紫草茸各一兩 麻黃去節 升麻各半
右為細末每服半錢煎薄荷入酒一滴同調下此藥用

血瘡證從其類也

二十五牛蒡甘草散治麻豆初作服此即稀

牛蒡子一兩 甘草炙一錢

右為細末每服一字或二字茵蔯煎湯調服之不拘時供

二十六兔肉醬去小兒豌豆瘡

右用兔肉臘月者作醬食去豌豆瘡無膿兔毛煎湯洗脫
豆瘡及兔毛傳良其兔腦主凍瘡骨節磨傳及疥兔毛灰
主灸瘡兔頭皮主鬼疰毒氣在皮膚如針刺者又云主鼠
癩以兔腦兔骨兔頭皮兔毛已上主治此之皆治皮膚瘡
癩故藥性論云兔肉平寒作醬去豌豆瘡涼血故也蓋兔肉
多食則令人色痿損陽事絕血脉此亦涼血散熱故也

二十七安斑散調理瘡

升麻 赤茯苓 羌活 黃芪

人參

桔梗炙

枳殼炙

甘草各等

右為細末每服一錢水七分盞紫草薄荷少許同煎至四
分盞去粗放溫服之量兒大小增減此藥為解毒涼血生
肌寬腸導熱利小便快膈之藥也患瘡疹有熱無寒者可
服之

二十八蘿蔔湯治斑疹瘡出不快者

右用開花蘿蔔煎汁時時與飲之張氏云瘡疹氣勻即出
快尋諸本草蘿蔔主治嗽定喘下氣消脹解毒解渴解麩
毒詳之皆勻氣解毒消壅則瘡疹然勻快矣此氣勻即出
快之意開花蘿蔔取欲出之義爾

二十九紅子湯平調瘡疹

紅花子 紫草茸各一 麻黃去節 升麻各半

右為細末每服半錢煎薄荷入酒一滴同調下此藥用

麻黃表毒氣令出升麻解蘊毒紫草滑竅也內紅花子本草云治天行瘡子不出者吞數顆即出故用之

三十快斑散調瘡疹

貫衣

赤芍藥

甘草

升麻

枳殼各半兩

右為細末每服一錢水一盞竹葉七片同煎至五分盞去

祖溫服量大小與之比藥內貫衆主腹中諸熱邪毒其味

微寒故也患瘡痘煩渴咽燥喘急大便秘小便赤澀口乾

目赤皆裏熱也宜服之如無裏熱證則與藥不相當反為

之害若當服而不服斯害也已可不審之

三十一甘草散治瘡子未出及雖出燥渴者宜服

右用大甘草不以多少炙過為末每服一錢或二錢水一盞煎至六分盞去滓溫服不拘時候呷之以少解利熱毒

即住若瘡出遲當常服紫草飲子方見瘡疹初出門大人

當針兩腕硯子骨間男左女右取之或灸一壯亦助發瘡

痘毒氣已發不必用

三十二紫草如聖散瘡疹初出急服方與乳嬰兒與乳母兼服

之四五歲已外只令兒服之

紫草

陳皮

右為細末每服一錢水一小盞入葱白三寸煎至五分盞

去祖溫服量兒大小與服妙選方云瘡疹無勻即出快紫

草滑竅去心腹邪氣陳橘皮快氣葱白發散而開泄膜理

也

三十三化毒湯治瘡疹已出未出並可服之

紫草

升麻

甘草

右伴如麻豆大水二盞糯米五十粒煎至一盞去滓放溫

分作數服劉氏傳云麩豆瘡欲出渾身壯熱不思飲食若服此一服即內消已有一兩顆出即解其半若令出即當目頭焦只三服瘡詳其前人處方藥與化毒之名至於主治之證無不切要但看人臨時用之何如爾且瘡疹病無他病相兼無不愈也又在人稟受虛實不同冬夏各異又乘異氣所得之由風寒食驚不一當隨時而勵安養之又如仲景治傷風云正患傷寒如其人有效疾者發動則無以故疾藥攻之活人書云治傷寒云病中又感異氣者乃時令寒暑燥濕風不節脈息與少陽相異證候與傷寒不同者當隨宜以法治之不可泥於一曲也此藥化毒但能化實熱之毒若稟虛而浮熱而伏冷者皆當調適以平為期

三十四調中散

白茯苓

人參

紫河車

甘草

右件各等分為細末每服二錢水一盞生薑二片棗二枚同煎至六分去滓溫服作兩三次服

三十五紫草木通湯治小兒瘡疹

木通

紫草

人參

茯苓

糯米

甘草

右為糞末每抄四錢水一盞半煎至一盞去粗放溫分二

三服小兒瘡痘熱甚則出熱心主之熱甚則小便赤澀其熱蘊蓄而生病此藥利心火以燥脾土心清則不生他疾脾平五臟自安也木通導心火糯米歸脾土也

三十六如聖湯治小兒瘡疹毒攻咽喉腫痛

桔梗

甘草

牛蒡子

麥門冬

右為細末每服二錢沸湯點細呷服入竹葉煎尤妙

汲方同以牛蒡子為惡實蓋異名也

三十七蟬退甘草湯發小兒斑瘡

大蟬退

二十一分筒去足

甘草

半錢

右用水半碗煎至一小盞旋旋與服效已用驗

三十八紫草枳殼湯治瘡子出不快倒靨

紫草

木通

甘草

炙

枳殼麩炒

右等分為籠末每服二錢水一小盞煎至半盞去滓溫服

大抵壅滯則榮衛不行令出不快則倒靨用枳殼寬大腸

木通利小腸紫草滑竅治心腹積蓄邪氣皆易出也大小

便秘澀者無不可用

三十九當歸散治小兒初得病暈以驚狂身熱汗出問之不增寒

不惡風脉洪數者當下之如寬得有此證瘡痘未發之

前宜服當歸散

當歸

一兩

甘草

炙一錢

右為細末每服二錢水一中盞豆豉十粒同煎至半盞去

滓量兒大小服以刻為度逐日冷與甘草汁三歲已下

歲已上加減服之

四十快毒丹治小兒瘡疹氣勻即出快蓋血與氣相隨若內有

邪熱即血妄行使氣不勻大抵瘡疹氣快自勻宜快毒丹

瘡疹出皆宜服之

牽牛

黑者

木香

已上各一分

肉苳菴

半兩

青皮

生一兩

半兩

右件搗羅為細末滴水和丸如黍米大每服七粒至十粒

濃煎紫草葱白湯下乳前服之量太

加減

○防備薰沐用之第六

四十一胡荽酒治小兒初覺不安辨證是瘡疹或已發未發以

出而快者用之蓋瘡瘍煩燥瘡痒皆出於心胡荽味辛能

通心竅胡以胡荽酒煎噴之立出心主瘡瘍主煩燥主痛
痒主驚悸凡為瘡疹數證必備是胡荽能通心竅而通之
則瘡疹易出也若辨證是瘡疹而大便利者紫草胡荽二
藥皆未可用恐紫草性寒胡荽利大腸故也則宜先溫之
臟腑如常瘡疹證未退者宜用之

右用胡荽三兩細切以酒二大盞煎令沸沃胡荽便以物
合定不令氣出候冷去滓微微從頂以下塗兒面煖眼目
之間噴背脊及兩脚胸腹令遍勿噴於面錢氏用好酒二
盞煎一兩沸入胡荽四兩再煎又云病人左右上下常令
有胡荽氣即令辟去汗氣惡氣瘡疹出快忌外人及穢觸
之物雖不可受風冷然亦不可壅遏常令衣服得中并盥
涼處坐卧

四十二葡萄酒治時氣發瘡疹不出者

右以葡萄研酒飲之葡萄酒味甘平利小便取穗出快之義
也

四十三燒赤木猪甲

景仲謂瘡疹未出之間宜於房室燒赤木乃蒼猪甲也猪甲二物
辟惡氣父母常戒其色慾亦令人守房室門戶勿令外人
入房恐觸犯令小兒瘡疹難出或有觸犯得上喘面青黃
色者猶輕因此犯而死者不可勝數宜謹之

四十四燒乳香薰瘡疹法

如瘡疹正發則忌諸臭穢惡氣以逆榮衛恐陷伏倒靨也
於房室中常令燒乳香不絕可去惡氣瘡疹無不効者
四十五黃土末傳瘡疹已出者不可發表如又表之者更增斑
爛若發膿痛甚者即用乾淨黃土羅為細末傳之仍數匕
食蜜為妙

四十六羊硝猪膽汁如瘡斑爛為不合表之太過一手一足面
腦腹背皆各為一片瘡相似令人不忍觀之者
用羊硝猪膽汁調塗瘡上勿令動看直候瘡落有大段
瘡發不通卧蓆者用麥麩簞卧將息為妙

四十七黑牛糞燒灰貼瘡疹治已出而未平切忌見雜人恐勞
力之人及狐臭薰觸故也未愈不可當風當風則成瘡斑
也如膿疱出可煨墨牛糞貼之令速愈而無癢痕也

四十八黃蘗膏小兒瘡痘出後即須愛護面目勿令沾染欲用
胡荽酒噴時先用此方塗面上然後噴四肢大人嬰孩有
此悉宜用之

黃蘗 一兩

菘豆 一兩

甘草 四兩

右件搗羅為末再研令細後以生麻油調如薄膏從耳前

眼唇並厚塗三五遍上塗面後可用胡荽酒噴也早用此

六塗面上令不生疹痘也如用此方塗邊縱有疹痘亦少
諸家方愛護面目者皆以此方治療分兩用法皆同惟疹
痘論一料用菘豆粉三兩伍錢

四十九白芥子散治小兒患瘡疹令不入眼

右用白芥子為末水調傳脚心則瘡不入目矣

五十爛肉汁治疏豆瘡

右用爛肉汁洗之乾肺亦得

○微表而欲散第七

五十一蟬蛻散治瘡疹漸作身熱似傷寒只耳尖脚稍冷或腹
痛大便秘者是瘡疹

右用蟬蛻二十一箇洗去泥為末水一盞慢火煎至半盞
去滓量兒大小溫服之如覺瘡疹已出便依前服三五次
不是瘡疹亦無害小兒瘡疹欲發出加甘草一錢半煎一

盡旋旋與服累効小兒伏所積熱毒蟬蛻味鹹寒可以制况有暴感風作熱客於表者蟬蛻亦治風毒充於皮膚癢痒不止驚癇夜啼癩疾寒熱驚悸皆宜服之

五十二猴黎酒治瘡痘出不快

猴黎子五箇又名山果子

右用酒煎入水侵服之瘡痘即出

五十三麻黃紫草湯治瘡子不出

麻黃去節 人參各一分 杏仁七枚去皮

右為籠末每服二錢水二盞用紫草五寸同煎至一盞去滓分為三四服分作二日服未可服諸藥

五十四水鮮散治瘡疹出不快煩燥不得眠者或出而身體尚有熱者

大黃 黃芩 桂心 甘草炙

芍藥各二錢 麻黃去節四兩

右為末患者以生熟湯浴訖煖水調下二錢相次二服得汗利便差強實人服二方寸七調風實之人 三伏中亦宜用之若去大黃則春夏通用之凡人飲酒食瓜果多以生熟湯浸身皆為酒及瓜氣味以此觀之先用此浴身亦出其毒矣

五十五玄參升麻湯治傷風傷寒風熱驚食等熱運於肌或汗或下後毒氣不散表虛裏實熱發於外故身斑如錦紋甚則煩燥謔語兼治喉閉腫痛

玄參 升麻 甘草炙等分

右剉如麻豆大每抄三錢水一小盞同煎至半盞去粗溫服不拘時候

五十六麻黃黃芩湯治瘡疹出不快煩燥不得眠

麻黃

去節 一兩

黃芩

赤芍藥

各半 兩

甘草

官桂

去皮 一分

右為細末每服二錢煖水調服日三服兼治天行熱氣出

豌豆瘡不快蓋煩燥昏憤或出尚身熱疼者

五十七升麻黃芩湯治瘡疹出不快煩燥不得眠

升麻

黃芩

乾葛

芍藥

各三錢

甘草

炙各錢半

右到如麻豆大每服二錢水一中盞煎至六分去滓溫服

若時行瘡疹出不快煩燥不眠者加木香一錢半

五十八葛根散治天行熱氣欲發瘡痘作熱甚疼者宜服解肌

出汗

葛根

麻黃

各一兩

石膏

二兩

黃芩

芍藥

桂枝

甘草

各半兩

右為麤末每服四錢水一盞煎至半盞去滓用酒調服

候自出汗者去麻黃

○微下而目清第八

五十九四順散患瘡疹至四五日不大便瘡子又盛出却喘

氣急腹脹小便赤澁須用此方

大黃

升麻

芍藥

當歸

各等分

右為麤末每服抄三錢水一盞煎至六分去粗溫服不拘

時候若得氣通不喘腹不脹便休與此藥若初覺有赤點

子大便如常小便赤澁須用藥通大便要出快也若出得

色紅而快更不須通也

六十利毒丸治小兒瘡疹欲出胃熱發溫壯氣龜滿大小便赤

澁眠中驚瀕渴口舌乾手足微冷多睡時嗽涎實脉沉大

滑數便宜服之

大黃半兩

膩粉

六青絡一

龍腦

朱砂各半

檳榔

生牽牛

黃芩

青黛各半

右為細末麪糊為丸如黃米大二歲小兒服八九生薑
水下不動再服量兒大小虛實加減

六十一夾食者紫霜九治頭疼壯熱脹為夾食

方見和劑方

○瘡疹出太盛解毒第九

六十二消毒散治瘡疹已出未能勻透毒氣壅遏出不
狂燥咽膈壅塞睡卧不安大便秘澀及治大人小兒上膈

壅熱咽候腫痛胸膈不利治造黃鼠粘子同湯

牛蒡子名惡實 甘草二 荆芥一兩

右為籠末每服一錢水七分盞煎至四分去滓食後臨卧

服之此藥治大便秘澀是治裏熱故也况本草云惡實味

辛平其中治證治風腫治暴殮熱肉生風解丹石毒治咽

喉四肢風腫此性稍涼也為瘡疹所宜服者能透肌出毒

瘡是以瘡疹亦出也大便秘則不可服

六十三化斑散

石膏用紙裹炮 麝香去火毒

右件等分用熱水調下一字服之或調塗唇上去頂痛除

昏發泄瘡子此名石膏知母化毒散治小兒瘡斑此二方

極妙後方恐大涼

六十四地黃雄黃飲治溫毒發斑瘡痘出不快者乃冬應寒反

熱或被積寒暴發熱毒不得宣泄令身斑如錦紋心悶而

咳但嘔清汁者葛根橘皮湯地黃雄黃飲子

地黃 淡豆豉各四

右以猪脂一斤和勻露一宿煎三分減去一分去滓下雜黃末一錢麝香半錢攪勻量兒大小飲若太多反有所損六十五羣角散治小兒瘡疹不惡寒但煩燥小便赤澁多渴或赤斑點者

犀角 鎊 甘草 半兩 防風 二兩 黃芩 半兩

右為窰末每服抄三錢水一盞煎至七分去粗溫服不拘時候

六十六紫河車散治小兒斑瘡毒氣不解攻咽喉者聲音不出舌頰生瘡過逆煩悶潮熱面赤

紫河車 茜根 貫衆 錢三 芍藥

甘草 炙各 半兩

右為窰末每服一錢水七分盞生薑一片同煎至四分去滓溫服一方用牛蒡子

六十七玳瑁湯治時行晚 瘡及赤瘡疹子未發者令內消已發者解利毒氣令不 盛

玳瑁 生犀 生犀 湯以水濃 二合

右同攪令勻每服半盞微溫服一日四五服為佳又治出而未快者宜服之又云毒氣內攻紫黑色出不快用玳瑁

水磨濃汁一合入獺猪心血一皂子大以紫草濃煎湯都作一服服之玳瑁犀角其性微寒以治熱毒則知其無失也二藥皆治瘟瘵蠱毒解百毒通血脉消癰腫故用之以解蘊毒可宜服也

六十八白虎湯治小兒痘疱瘡斑瘡赤黑出不快及瘡毒餘熱并溫熱病暑中氣煩燥熱渴大便秘小便赤四時天氣大熱即可與服如冬無大寒天氣大溫即可服之

石膏 四兩 知母 半兩 甘草 一分 人參 半兩

石膏 四兩 知母 半兩 甘草 一分 人參 半兩

右為養末每服抄三錢水一八盞粳米二十粒同煎至半
盞去粗溫服不拘時候此藥治中暑又患瘡痘天氣大熱
與肌熱心熱相應煩燥狂亂渴水發黃鼻衄吐血便血淋
秘皆可服之指迷方治瘡疹夏月煩燥加麥門冬用竹葉
煎一名竹葉湯

六十九入參竹葉湯治夏月壯熱煩燥心悶口乾渴心神不寧
痰壅嘔逆兼治瘡疹後餘毒熱不退小便赤澀成赤斑者
入參 半夏湯泡洗當歸 淡竹葉

天門冬 去心

右五味等分為養末每服抄二錢用水一小盞生薑三片
同煎至半盞去滓溫服不拘時候瘡疹如覺不惡寒但煩
燥小便赤澀多渴成赤斑點者宜服之此藥治中暑虛煩
傷寒疹痘後餘熱不退皆宜服也

七十八初散治瘡疹毒氣少大小便利倒伏不出者

生地黄炒 地黃炒 珠砂別研各一兩

右為細末每服一字煎胡荽酒少許同溫湯調下

七十一青黛散治瘡疹未作膿痛甚心膈煩燥睡卧不安者並
宜服之

右用波斯青黛如棗核大以水調服之一方用溫磨刀水
調服之

七十二野通散治痘瘡出不快并傷寒不語

乾野人糞炭火煨 片腦 麝香各少許

右為細末每服一錢新汲水八盞調下本草云乾野人糞
治蜘蛛咬瘡此治瘡疹出快明矣蓋蜘蛛咬瘡久而不愈
其絲生皮膚延蔓遍身不愈用雄黃青黛麝香水調以蜘蛛
試之蜘蛛化為水後果驗其雄黃青黛麝香是治瘡疹

常用之藥乾野人糞亦治瘡疹之藥野人乃彌猴也黃色尾長面赤者若人家養者肉及屎皆不生成人其食忌雜違其本真也

七十三無比散治瘡子惡候不快及黑瘡子應一切惡疾

硃砂

一分

牛黃

片腦

麝香

膩粉

各一分

石同研細如有患者小兒一字大人半錢水銀少許同小
獺猪尾上血三二滴新汲水少許同調服先寧穩得睡然
後取轉下如爛魚腸葡萄穗之類臭惡物便安小兒用
乳汁滴尤妙觀之此藥方思右人論證處方無有不効者
須是病藥相主則一下咽而病云若不相主而用之下咽
即死也且傷寒有用硝石大黃而愈者有用附子乾薑硫
黃丹硫著艾而愈者此合用而用之也設若合用硝石大

黃却用硫黃附子薑桂合用硫附薑桂却用硝石大黃下
咽即死矣此用無比散之意也無比散治瘡痘熱毒太盛
壅瘀榮衛不行外不得泄而內不得通毒氣在裏外則瘡
疹黑色裏則腹一喘急謔語大小便不通齊因者宜服之
此有其毒則用其藥無不効者設或瘡黑靨裏無腹脹無
喘急無謔語下大小便不通無昏困大便反如常或反利
者則無比散不可用也常言對證用藥是也有一士大夫
之家一子第八歲患瘡疹黑靨診胃脉大弱前醫用升麻
湯羌活散問其胃弱之故言平時胃弱不能進食今瘡疹
黑靨服升麻羌活散臟腑日夜數次後用溫臟腑藥更不
止而卒服升麻羌活散愈臟腑不固而米穀不化當此見
瘡黑不見其臟寒則無比散亦無知之何故下藥先審病
之虛實寒熱豈可一槩見黑靨便投良劑豈不誤人生死

之計也

七十四豆湯治瘡痘未作膿心膈燥睡不安者

右用黑豆煮汁徐徐溫服之亦解

七十五透肌散治證并方與三十三化毒湯同

七十六黃蓮散治瘡痘毒氣上衝口舌有瘡下部亦有瘡有熱

者亦服之

右用黃蓮一兩去鬚為末每服一錢水一盞煎至五分去

粗不拘時服量大小虛實與服瘡痘初發亦宜服之

七十七通關散治小兒斑瘡水痘心悶煩燥發渴及小便赤澀

口舌生瘡通心經利小便

山梔子

大黃炒各

木通

甘草炙

車前子炒

瞿麥

茯苓

人參

滑石各三

地偏黃各二兩

石為細末每服一字二三能者半錢水半盞入心同煎

至三分能稟受稍弱者五苓散人參白朮散赤散亦得

七十八紫雪治大人小兒一切熱毒胃熱發斑消赤瘡及

傷寒熱入胃發斑并驚簡延厥走馬急疳熱疳黃瘦喉痺

痛及瘡疹發毒攻咽喉水食不下者

黃金兩一百

寒水石

石膏各三

犀角

羚羊角各三兩

玄參一斤

沉香

木香

丁香

甘草八兩

升麻六兩

右用水五斗煮金至三斗去金不用人諸藥再煎至一斗

濾去粗投上好芒硝二斤半微火煎以柳不莖攪勿停手

候欲凝入盆中更下研硃砂麝香各三兩急攪候勾冷貯

於蜜器中勿令見風每服一錢溫水化下小兒半錢一字

咽喉危急捻少許乾嚥之

七十九竹葉湯治小兒瘡疹不惡寒但煩燥小便赤澁多渴成赤斑點者宜服竹葉湯犀角散

石膏 四兩 知母 二兩 麥門冬 去心 甘草 各一兩

右為龕末每服抄二錢水一盞竹葉一握同煎至半多服滓溫服不拘時候

八十導赤散治瘡疹心經蘊熱睡卧不寧煩燥而小便不利面赤多渴小兒貪食乳者渴也

人參 木通 麥門冬 去心 生地黃

甘草炙 右等分為龕末每服抄二錢水一小盞煎至半盞去粗溫服不拘時候

八十一救生散治小兒瘡疹膿疱惡寒危困陷下黑色方此藥治大段熱毒頓圍八歲疔者不得已而用之

積猪血 盛月內以新瓦瓶子內盛掛於當風陰乾為末 馬牙硝 研各

硃砂 牛黃 片腦 麝香 各 右同研極細每服一字新汲水調下大便下惡物瘡泡紅

色為度不過再服神驗無比 八十二犀角湯治小兒痘疹瘡及赤瘡子

犀角 燒 六黃炒 桑白皮 蜜炙 鈎藤

甘草炙 麻黃 去節各 龍膽 半錢 石膏 苡蕒 黃芪 各

右為龕末每服一錢水一小盞煎至四分去滓溫服量兒大小加減服瘡子退後濃磨犀角水塗之更良錢氏亦代

方同以此藥治療瘡疹太盛令不入眼則名調肝散此藥治風盛氣實心肝血熱津液內燥大便不通毒氣上盛表

熱未散之藥也且大黃苡蕒治內燥鈎藤龍膽治風血熱

桑白皮石膏治上焦熱麻黃黃芩散肌熱犀角甘草解毒
熱大抵用藥貴於與病相主則病去而正氣自復者為不
然則反為大害如犀角散自非大便數日不通喘急悶亂
煩燥譫語者豈可服之恐病藥不相主治也

八十三牛黃散治便血由瘡疹陽毒入胃便血致日夜無度腹
痛啼哭

牛黃一分 鬱金一兩

右為細末每服半錢以漿水半盞煎至三分和滓溫服量
兒大小以此增減日二服

八十四玉露散治暑月出瘡疹煩燥熱渴

寒水石 軟而微青黑中有甘草一水
細嫩者是半兩

方解石 堅白而有膏壁手不可拆者是如無以石膏
代之堅白似石膏散之段段皆方者是半兩

右同為細末每服一字或半錢一錢食後用溫湯調下

八十五犀角飲子解熱毒去風疹

犀角 甘草炙 防風 二兩 黃芩 一兩

右為齋末每服五錢用水一小盞煎至半盞去粗溫服不
拘時候

八十六犀角地黃湯治瘡疹出大盛者宜服之活人書云傷寒
及瘟病應發汗而不發汗內有瘀血者及鼻衄吐血不盡
內有餘瘀血面黃大便黑者此方主消化瘀血蒸治瘡疹
太盛者此方解之

犀角 一兩 生地黄 半斤 芍藥 三分 牡丹皮 一兩

右剉如麻豆大每服五錢水一盞半煮取一盞有熱如狂
者加黃芩二兩其人脉大來遲腹又滿自言滿者為無熱
不用黃芩

○毒氣壅瘀倒靨黑色第十

八十七猪尾膏治瘡疹初作未能出透及已出盡內外熱毒貫注血疱如豆在於肌皮之上不結痂疔二者皆用之且瘡疹蘊伏毒熱欲出而未能透則熱甚動心心煩狂躁妄語或見鬼神此皆心熱也蓋心榮於血血熱則瘡疹則色敗未出者則為鬼瘡子一出而便黑也已出者為黑靨大抵瘡痘自紅斑生成血疱疱至五七日結膿窠至六七日不結膿窠者此是毒氣彌滿恐復入裏古人用龍腦香涼心血行榮衛用猪心血者以心歸心用猪尾血者取其常動欲散外也况有前狂燥證而未省者以溫酒化下此意欲散而行榮衛故也皆治熱毒太盛者後人見用猪尾膏亦名龍腦膏得効間有虛而陷伏者亦用之候人甚多深可恠也又有當用一字却用一不熱少而不能當之及以為害者亦多如合用一字者且與半字如傷寒作渴甚能飲一斗者且與五升正此之意况有心經熱兼有他虛寒證見者又不可輕服如吐瀉人發熱煩渴小便赤則不全為寒證治也煩燥人大便自利而小便清則不全為熱證治也如有此證在醫者兩全之去其所苦扶和陰陽不至偏絕無不安者

右用龙腦半字許研細旋滴猪心血和丸以紫草湯化下煩燥狂悶未省者以溫酒浸服之錢氏用猪尾膏用猪尾血其意皆通又名龙腦膏

八十八控心散小兒斑瘡一服而出

全蝎二十四箇炒 雄黃

麻黃去節各一分

右為細末每服一錢用胡荽煎酒調下蝎治諸風癱瘓中風半身不遂口眼喎斜語澁抽掣者為能透諸筋脉雄黃主惡瘡疔疔透百節治疥癬亦以瘡疹毒氣不能出也麻

黃鮮肌泄邪氣惡氣消赤黑斑三藥治瘡疹當出而不
出者如自然出快者不須服也

八十九獨味麻黃湯治斑疹倒靨

右用麻黃三十寸去節蜜拌炒令香紫色為度水一盞煎
至六分服昔有人得此方后知兗州仙源縣值工筆李用
之子斑疹倒靨已至危困投此藥一服瘡子便出其應如
神未至胃爛便血者皆可治服

九十甫金散治小兒瘡疹已出而復頓其勢甚危諸藥不効者
乃無一失

紫背荷葉

霜后搭水

白殭蚕

直者炒

右為細末各一錢七小兒半錢研胡荽汁和酒下米飲亦
得本家在處貼印施人其全活者甚眾蓋藥有用能腦入
牙齒者卒難得之唯此藥無毒而効速荷葉卒難得可於

鹽鋪內尋之

九十一滑石散治瘡痘出罷恐壅聚黑色此藥滑竅令出快治
膈上煩熱多渴小便未澁面青氣急大便不利者

滑石

甘草

石等分為細末每服一錢鷄子清酒各少許調服

九十二橄欖核水治瘡子倒靨

右用橄欖子核中截斷水磨少許服立發

九十三快毒丹治小兒瘡疹氣勻即出快蓋血與氣相隨若內
有邪熱即血妄行使氣不勻大抵瘡疹氣快自宜快毒
丹瘡疹出皆服之

牽牛

黑者

木香

肉苳蔻

牛兩麩

青皮

一兩半

右為細末滴水和丸如黍米大小服七丸至十九濃煎紫

草葱白湯下乳前服之量其大小加減

九十四紅粉丹治臟腑熱瘡疹不勻

龍腦細研 坯子 麝脂 天竺黃 硃砂細研

南星內陰乾取末一兩

右五味煉蜜和搜為丸如鷄頭子大每服一九煎人參湯

化下

九十五乳香猪血膏治斑瘡不發

右以乳香研細用猪心血為丸如櫻桃大每服一九用水

磨化下

九十六紫金散治小兒瘡疹倒靨及出不快者

紫草 蛇退炒焦 牛蒡子炒各半兩

右為龕末每服一錢水七分盪煎至四分去滓溫服不拘

時侯危殆治一切惡瘡十年不愈者亦用之良故也

九十七釣藤紫草散發斑疹令出快

釣藤 鈎子 紫草非

右等分為細末每服一字或半錢用溫酒調下無時服紫

草滑竅利小便散諸十二經毒氣釣藤治小兒寒熱十二

驚癇今治瘡疹而用之素問云瘡瘍煩燥痛痺皆出於心

驚癇心病也瘡瘍亦心所主者故用也

九十八麝香猪血丸治小兒瘡疹不透

右旋取猪心血調麝香少許兩手心塗之并塗小口唇

上即無極驗

九十九木星飲子治小兒瘡疹不出及出不快者

朱砂一分 鬱金半兩

右為細末每服一字或二字量大小入龍腦少許以新汲

水茶脚少許同調勻然後刺猪乳血滴三點于入藥汁令

服不過一二時辰瘡子出便紅治小兒無他病神效本草
云鬱金辛寒主血積下氣生肌上血破惡血氣采血金瘡
以意詳瘡疹出於心也由熱而出也朱砂安心性微寒以
治熱也熱有所蘊蓄則壅瘀而不出用鬱金者下氣消惡
血無壅瘀則出出而不遲也

一百四聖散治瘡疹出不快及倒靨

紫草

木通

甘草灸

枳殼炒

黃芪切焙

右件等分為麤末每服一錢水一中盞煎六分去粗溫服

一百一脫殼散

右以鷄子抱出殼子於新瓦上焙乾去膜取殼搗研如粉
細遇小兒斑瘡倒靨不出或臟腑糞血糞黑頭瘡昏腫
不醒用酒調一字塗兒唇上令兒舐或以酒調塗風池背

上心前此名脫殼散或以熱湯調一字服之

一百二山梔子湯治麤疹及斑毒狀如蚊蚤所嚙毒盛黑色者

山梔子仁

白鮮皮

赤芍藥

升麻各一

寒水石

甘草炙各半

右件為細末每服一錢水八分盞入紫草薄荷各少許同
煎至五分去滓放溫服

一百三化毒散

鬱金

甘草灸一

右用水半椀同煎令水乾去甘草將鬱金切作片令乾為
末入生腦子半錢研令勻用猪血研成稀膏子煎薄荷湯
化下一錢不過一服其毒氣從手足心出乃差此五疔一
生之候若便血蒼懷無膿者十死不治一法可用蠅蛻末
一錢好腦子一皂角子大大搗心以三皂子大和作膏子

用熱酒浸紫草令溫化下服移時身上發大靨瘡毒頓出
然後依證調治

一百四宣毒膏治毒氣盛瘡疹已出不快倒靨急服此藥曾經
大効

獘猪血

先臘八日取後尾血
并用新瓦器盛

好硃砂

細研揀乳香

甘草

末衣為

馬牙硝

各半

片腦

右件一處同猪血拌勻用一寬新竹筒底節一箇盡入諸

藥在筒內用密紙數重繫定於大糞坑屋梁上至清明日

取出曝乾更入腦麝各一錢細研勻滴水丸如皂角子大

煎人參湯化下一丸若毒盛瘡黑靨服之者瘡疹紅活再

長神驗

一百五百祥丸治瘡疹黑陷而耳聾反熱者為逆也用百祥丸
牛李膏各三服而不愈又云紫黑乾陷者百祥丸下之

黑者謹勿下又云黑者無問何時十難救一其候或寒戰
噤牙或耳黃腫紫宜急以百祥丸下之復惡寒不已
身冷汗耳聾反熱者死病也得身溫欲飲水可治又云瘡
黑陷而不發寒病未困也遂用百祥丸為藥以牛李膏為
助各一大服五日而復紅活七日而愈

右紅芽大戟不以多少陰乾漿水煮軟去骨日中曝乾復
入汁中煮汁盡焙乾為末水丸如粟大每服一二十九研
赤芝麻湯下吐利同無時

一百六牛李膏治瘡瘡倒靨又云已出未出快者宜服紫草散

玳瑁散之類重者以牛李膏又云治小兒瘡疹毒氣不散

出不快及觸犯黑色者宜用之又云奪命膏

右用黑熟牛李子七八月內採於盆內研汁生絹剉去滓
用銀器盛慢火熬成膏磁器內以布令透風每服一皂角

子大煎杏膠化如人行二十里進一服其瘡疹自然紅
色毒氣慢此藥神妙一切瘡疹出不快並可服錢乙同名
牛李膏又云必勝膏云至秋結實黑圓成穗無生者市肆
中乾者為末水熬代用薑液治小兒瘡疹痘瘡惡候見皮
膚下不出或出不快長及紫黑乾陷亦用此藥仍云沒小
年病此惡候極危殆父母不忍見之遇錢乙下此藥得安
因懇求得真方遂傳於世惜於收時不知早晚故無全效
今并收時載之九月後收取研瀝成膏每膏二兩研入好
麝香半錢收貯不津器中九簫衛生方同但用挑膠半兩
牛李子一兩炒為糞末每服一錢水七分盞煎至四分去
滓溫服治瘰亦同

一百七倍金散治小兒瘡痘倒靨黑色

鼠粘子

炒二兩 神麩 炒半兩

減杖華

山果子

連核一兩

右為糞末每服一錢水八分盞入荆芥

穗紫草十根同

煎至四分去粗溫服

一百八抵聖凡治小兒斑疹不出反入方

右取用十二月老鴉左翅不計多少風中令乾辰日燒為

灰用中等獺猪背上刺血為丸如鷄頭實大每服一丸取

獺猪尾上血少許溫水同化下未效二三時再一服

一百九濕生蟲散治瘡子倒靨

右用濕生虫不計多少焙乾為末酒調下一字

一百一十白花蛇散治大人小兒瘡子倒靨

白花蛇

連骨一兩 炙令乾勿焦

大丁香 二十枚

右為細末每服一錢小兒半錢以水解淡酒調下如黑糞
者服之移時重紅生如聖

○毒氣滿盛而下第十一

一百十一敗毒牛黃丹瘡子出定大便不通瘡中漿汁不乾

真牛黃

大黃

未各一兩

粉霜

珍珠

未各一兩

右件同研勻煉蜜和丸如黍米大每服十粒煎人參湯下量兒大小加減

一百十二大黃丸治瘡痂起而能食以此藥下之錢氏維六此

未可以能食為有熱而便下須有他證相表裏方可下且

瘡痂起而能食也而腹滿腹滿而不大便不大便而喘急

喘急昏甚而謔語者方可下下之藥但能去熱毒不為瘡

痘之害若瘡痂起而能食一證便下之下之則不穩蓋熱

氣未深故也如傷寒發厥須在六七日已後蓋氣深方能

發厥厥而下之表裏皆解傷寒則汗解蘊熱則瘡疹出矣

大黃

洗一兩酒洗

黑牽牛

半生半熟各一分

川芎

半兩

甘草

一分

右為田子糯米糊為丸如麻子大每服量大小加漱蜜湯

送下以溏利為度

一百十三川黃散治麩瘡及斑瘡大便不通

大黃

剉微

川芎

各一分

甘草

一分

黃芩

枳殼

炒各半兩

右為麩末每服一錢水一小盞紫草少許同煎至半小盞

去滓溫服不拘時候瘡痂而大便不通不為害者則不下

其為害可下者證大便不通欲大便而不得通不得通而

腹脹滿心胃悶喘急面赤睡中謔語有諸證即可下又看

熱氣淺深藥有多少輕重也又有諸熱證大便如常又

不可下熱在表故也當與小柴胡湯五苓散治之

一百十四大承氣湯治昏甚謔語妄言大便不通腹脹心脈

下有汗日晴黃赤喘急者當用

厚朴 八兩
大黃 四兩
枳實 一兩

右為麤末每服五錢水半盞煎至二分入芒硝一分去滓
溫服不拘時候

○瘡疹病中表裏感寒或吐或利者第十二

一百十五益黃散治小兒胃冷嘔吐脾虛泄瀉又治患疹因
煩燥渴水飲冷過多暴傷脾胃或吐或瀉並宜服之

丁香
訶子
青皮
陳皮

木香

右為細末水半盞藥末一錢同煎至三分盞去滓溫服不
拘時候

一百十六參不九治小兒脾胃傷冷外熱裏寒不思飲食身常
壯熱大便或溇色白或患瘡疹身有大熱因食冷物或冷
藥過度或瀉或腹脹或已出瘡疹癩白無血色此由裏寒

脾胃伏冷榮衛不行致令毒氣內伏不出宜服之其瘡癩

白死血色者皆從癩
白四圍紅暈再起作膿結痂而愈
人參
白朮
乾薑
甘草

右為細末米糕泡糊為丸如麻子大每服百餘丸溫水吞

下或米飲亦得乳食前服前世之書如仲景諸論治傷寒
云輕者用理中湯重者用四逆湯此乃胃足陽明經而感

寒邪脾胃乃為中州之府故用理中湯日辛甘發散為陽
以退寒邪也理中湯煉蜜丸而嚼下日理中丸蓋添蜜甘

以入脾胃嚼而便化於中焦今參朮丸以粳米糕為丸取
其難化服在脾胃滲漉漸得消化則中焦得煖脾上喜燥

其熱自歸此所以能治熱也
一百十七二和散治瘡疹并傷寒冷熱不和陰陽痞隔不升

降服之調榮衛升降氣和冷熱自食快氣

藿香葉

香附子炒去毛

右等分為細末每服抄一字溫水調服不拘時候

一百十八六神散治脾胃虛弱津液燥少內虛不食身發熱

人參

白朮

茯苓

甘草炙

白扁豆炒 黃耆蜜炙

右等分為細末每服抄二錢用水半盞生薑一片棗一枚同煎至三分去滓溫服之不拘時候身熱甚者加烏梅少許同煎服

許同煎服

一百十九治中湯治瘡痘方作熱渴欲飲或飲冷水或食冷物雖身熱其中寒不食嘔吐下利宜服之

人參

白朮

乾薑炮

甘草炙

青皮

陳皮去白

右等分為細末每服一錢用水半盞煎至三分去滓溫服

不拘時候量大小服之

一百二十胃風湯證候并方見集驗方

一百二十一乾薑甘草湯治瘡疹服冷藥太過咳嗽手足冷脉

遲者自利嘔吐不食

乾薑炮

甘草炙各四分

右剉為散水一升二合煎至四合去滓溫服

一百二十二胃愛散調理小兒脾胃吐瀉如斑疹未出醫者不識形候便將冷藥冰却瘡子致令內伏不出將此胃愛散調理如身體汗即不用控心散發也如无汗即控心散發之後下羗活散胃愛散

糯米 一兩

乾淡木瓜三分 甘草 一分

丁香附六分

藿香葉

紫蘇葉各一分

右件藥同一處令乾碾為細末每服一錢或半錢煎粟米

藜子湯下

一百二十三勾氣湯取餘毒後調理

栝梗

洗淨乾

甘草炙二兩

白乾薑一分縮砂

陳皮去白

茴香各一兩洗

右為細末每服半錢或一錢用霜木瓜煎湯調下或用紫

蘇鹽煎湯送下

一百二十四豆乳散治小兒瘡疹間偶滑泄不止甚者宜服之

肉豆蔻一枚乳香一豆大

右為細末米飲調下

一百二十五薑附湯治瘡疹半出而半不出或出盛時却下利

支厥嘔逆腹脹吃噎須急與理中丸四逆薑附湯之類不

須疑已試之驗也大便秘自利腹脹者是熱毒被冷所擋不

能出冷甚則為下利其毒小得出則為腹脹當此以理中

丸四逆薑附湯等服之重複溫則利止熱毒得從出則腹

脹自消瘡疹亦自出矣又有瘡疹半出半未出或出盛時

却大便不通小便赤澁喘瓮腹脹而唇齒乾口燥渴引飲

謔語者當急下之此證是毒氣壅滯欲出而出不辨故腹

脹下之熱毒散榮衛伸則裏脹消外瘡出合溫合下皆得

其宜不可不述之若下膿血而腹脹者又非此證宜服南

金散乳香猪血膏理中丸薑附湯

方見寒門

四逆湯方見傷寒門

一百二十六七珍散調胃進食滋養榮衛

人參

茯苓

白朮

山藥

黃耆蜜炙

甘草炙

白扁豆炒

右等分為細末每服抄二錢水一盞生薑三片梔子一枚

同煎至六分盞連滓溫服不拘凡加粟米名尸 此藥大能進食昔人患不食用諸藥皆不効後用以數日飲食大進脾土居中燥濕皆非所宜但得其中見水升中降脾愛穀味也

一百二十七 薤白湯治瘡疹下利黃赤膿血及身熱

薤白切半 豆豉 一盞 山柘子 十枚

右用水五盞同煎薤白爛為度去滓量大小服之解去惡積也

○瘡子因吐利內虛自陷者第十三

一百二十八 活血散治是瘡疹證不出或出而遲或出而倒瘡者皆宜服之

右用白芍藥炒為細末用溫酒調服或入酒一匙則出快如欲止痛者只用溫熱水調服之以意尋之此乃調榮衛

藥也蓋張氏妙選方云瘡疹氣勻即出快氣行由榮衛無阻矣又考藥主時行寒熱消腫則治瘡痘矣素問論脚受血而能行目受血而能視手受血而能握物活人書一證感寒寸大尺弱兩足拘攣為下焦血少不能伸用芍藥甘草湯三服遂脚伸不拘攣能行常用有効又有老貴人不能拜跪宣醫用六辛湯乃是白芍藥六兩甘草半兩服十日而能行此亦活血散行榮衛也

一百二十九 人齒散治瘡疹已出而不快既出而倒瘡患瘡疹

作寒熱而脈反遲者或攻皮膚而出遲或面額赤脈不洪大者或服涼藥過多血澁氣弱或出其未快王友信

間以酒調服之錢一附方治瘡疹倒靨入麝香酒調服之尤佳又云瘡疹倒靨不出加赤小豆七粒薄荷酒細服之若黑色者名曰鬼瘡子用獾猪下二錢再服之

右用人齒脫落者以麋鹿固濟八人煨令通去其令取出
為末用薄荷酒調服之半錢良久脈平毒氣散瘡如粟米
而出詳之此為發出瘡疹之藥也如傷寒表汗之藥故傷
寒發汗須看榮衛之淺深瘡疹表出須看蘊熱之多少也
恐蘊熱少而用藥過為斑爛故也其已出而未快者古血
散猴藜酒葡萄酒之類可也既出而倒靨者須人齒散則
病藥與稟受弱人三者皆相當也不尔則病輕藥重反以
為累也後人不能究其毒氣輕重一槩用藥因茲天橫者
多昔有士貴之家患瘡疹已出而稍遲遂用正氣散加白
芍藥又用胡荽酒猴藜酒亦出遲渠家云大抵醫家用藥
大緩自夜來燒人齒五個酒調服之一身瘡疹俱出駭聞
渠用遂再診視脈已微觀腦後并兩脚盡白色是榮衛弱
熱毒少而藥力過則陽氣少而无以應接故无血色也告

云陽氣盡出表外今裏寒七氣成濕七必濡瀉急以二氣
丹為小丸服至半兩水瀉二日方止又服內補散治瘡痘
其瘡痘服人齒散表過為斑爛遍體為一將息月餘方愈
其人精神稍緩蓋耗竭心液故也詳人齒治妳乳癰破腫
出箭鏃則表瘡疹甚驗若慢用早則一變十不可勝數為
斑爛為虛脫為裏寒不可不知又有田舍及市井間小兒
患瘡痘中行走當風任服朴硝大黃之類無害者恐富貴
之稟非負荷者比各隨宜而治前云服人齒散疎微而瘡
色白為外陽微濡瀉為內陰盛自非先用二氣丹後尚濡
瀉若用之遲豈不為虛脫也

一百三十內補散治小兒正患瘡疹中或感外寒或以湯
或服冷藥過多因生吐瀉脾虛血澁瘡疹遲出不出此膏
瘦而無血色裏服諸調脾胃藥如此可以治血氣瘡

毒得出

人參

黃芪

白芷

當歸

肉桂

桔梗炒

川芎

木香

甘草炙

防風

厚朴薑製

阿膠炒

橘皮去白

右等分為細末每服一錢入酒二匙溫湯浸調服之不拘時候王子建云仲景論證多而用藥少男子詳而婦人畧云此乃穿鑿之過若使仲景存日其方有餘用蓋無壞病矣今則醫者治病但紛々擾々為利是圖動輒差悞後賢處方救其不及是乃方愈多皆是救差悞爾治瘡疹用內補散亦救其差悞爾俚俗人常云瘡疹是熱毒見其藥稍溫便以為悞此不審之過也殊不知傷寒是傷其寒却有間或用大黃朴硝升麻知母之類此皆救一時不及若不

述此恐人執而不移一向偏見使緩急療病意識不能完

備疑謀敗事者多矣

○解利餘毒第十四

一百三十一 赤茯苓湯治小兒疹瘡瘡出後咳逆脇痛不下食

赤茯苓

甘草炙

大青

升麻

枳殼炒 梔子一分

右為麤末每服一錢水一小盞入若竹葉一七片豆豉三

十粒同煎至五分蓋去滓分為三服日三四服青兒大小

以意加減本方稱疹瘡出後脇痛者由病後毒氣滯亂阻

於升降左右為陰陽之道路氣之所行處令氣滯為脇痛

以枳殼寬腸下氣令氣順脇不痛也大青梔子去白升

麻解毒赤茯苓導心火利小腸無熱以克肺氣而逆自

平爾

一百三十二小柴胡湯治發熱甚而嘔者宜服之

柴胡 人參 黃芩 芍藥 甘草 炙

半夏 湯各二兩半 泡七次

右為糞末每服三錢水一盞生薑二片棗子一枚煎至半盞去滓溫服咳嗽者加五味子煎服頭痛發熱嘔者色者此毒亦有所出不必廣與湯劑恐重增他病大便自痛者四味升麻湯大便不通者四順飲若大便自利黃黑然通不得以溫藥助之瘡疹亦稀少自快利只與四味升麻湯荆芥散雖大便利不可以溫藥助之其下利甚者却與少溫之

一百三十三六青四物湯治熱病十日已上發汗及吐利後熱不除身上斑出

大青 四兩 豆豉 八合 阿膠 甘草 炙各一兩

右劉如麻豆每服抄五錢水一盞煎至六分去滓入膠煎令化服

一百三十四沙糖水治瘡子作膿窠了是毒氣已盡出在肌但末結靨者

右宜調沙糖水與喫瘡子將欲乾時須與兒搗去茄令血出則定無瘢子若從他至乾定隱一瘢子也後人見喫沙糖水瘡乾不問毒氣出與不出盡便與沙糖水喫損目者多矣蓋嘗瘡疹結成膿疱是毒氣出盡在肌膚可服之也設或尚爾血疱未成膿疱乃毒未出盡便喫沙糖水則損目蓋患瘡疹兒食糖蜜棗柿即瘡入目及患瘡疹兒食鴨卵食其兒聞卵氣目中即生翳膜更不可食

一百三十五藍根散 板藍根 一兩 甘草 炙三

右同劉為細末每服半錢或一錢用雄雞冠上一兩點同
溫酒少許食後同調下

一百三十六甘露飲解胃熱及小兒瘡疹已發後餘毒後餘熱
溫壯齒斷宣腫牙痛不能嚼物飢而不欲食頃之面黃及
病後瘡疱乳母俱可服

甘草

山茵陳

石斛

枳殼 炒

黃芩

批把葉

生地黄

麥門冬 去心

右等分為籠末每服抄二錢水一盞同煎至八分食後溫

服牙齒動搖牙斷腫熱含漱并服

一百三十七槐花散治斑瘡餘熱不退

槐花

赤小豆

各二錢 藟香 少許

右為細末每服半錢蜜湯調服不拘時候

一百三十八淨心散治瘡痘出欲盡便服之如入眼即自退

蛇蛻 一條 燒灰

不蛀皂角 十莖 燒灰

甘草 半錢 生用

右為細末每服一錢熱水調下小兒半錢

一百三十九青金丹治小兒瘡疹病後取下餘毒

滑石末

白丁香 研過 天南星

青黛 細羅

輕粉

水銀 各二錢 先以錫二錢於銅內鑄化

川巴豆

去皮心 膜七十二片 無缺損者 用并 花水浸一宿 懸於當風吹乾 爛研

右件藥用拌和勻用軟飯為丸如梧桐子大巴豆不出油

依形證用湯使傷寒後取積淡煎葱白湯送下取甘蟲用

牛肉汁下驚風肚中緊硬面青黑用金銀薄奇葱白湯下

因傷着肚中及腹皮上微熱腹脹夜間作熱炒下是

奔面青黃色眼微黃肚腹中有積用皂角子二二五下

煨過水一盞煎至半盞送下此藥有積作瀉魚鮓下氣

積炒茴香湯下凡下此藥周歲以上九二歲以下九七歲

二十四丸看大小加減下瀆是日之後初天更宜下瀆不盡時可依形證候下藥補之臨服此藥恐先吐下此小涎亦不妨

一百四十黃芩散治瘡毒出盡後服之恐瘡毒入骨小兒

黃芩 山梔子 黃丹

右等分為細末用牛蒡子葉取汁調塗於頂門

一百四十一燈心湯治瘡痘出後煩喘小便不利者宜進之

燈心一把 鱉甲醋煮黃

右剉為散每服一兩用水八合煎取四分服之各量大小

加減服之

一百四十二黃耆散治壯熱不退可涼肌膚散熱

黃芪 柴胡 乾葛 甘草炙各等分

右為末每服一錢薄奇三藥水半盞煎至三分約三甲空

心服此藥治發熱數日未退者其熱是瘡疹考量其虛實用之也

一百四十三朱砂膏治小兒驚積驚熱病後可常服

朱砂半兩 鵬砂 馬牙硝各三分 真珠末一錢

玄明粉二錢已上并研 片腦 麝香各一分

右件各為末於一處拌合和用好蜜煉成膏如小兒諸般

驚用藥一黃豆大常用金銀薄奇湯少許化開下如遍身

潮熱用甘草煎湯化下一臘及一月內小兒不通下藥可

以藥用乳調塗妳上令小兒喫乳下

一百四十四宣風散治身熱煩渴腹滿而喘大小便不通

悶亂大吐當利其小便不瘥者宜服之

檳榔二箇 陳皮去白 甘草炙各半兩 牽牛用四兩

右為細末三兩歲用蜜湯調下已上者

前服

一百四十五甘桔湯治瘡疹咽喉疼痛生瘡者服之

甘草炒二兩

桔梗米泔水浸一宿用一兩

右為細末每服二大錢水一盞煎至五分食後五月五日熱手搏眉目鼻面加阿膠半片炒過同煎至五分服

一百四十六定命朱砂散治小兒瘡疹毒氣不出或出後乾黑色服此藥發出毒氣其瘡子細紅而出也此方係出瘡子

倒靨門中

朱砂半兩

生龍腦

滴乳香

馬牙硝各四味

甘草炙各二錢

右五味研勻用臘月新獺猪血半升同研勻取青竹筒長二尺留兩節開一頭作竅子注藥在內黃蠟塞定以油絹緊裹封勿令透氣埋地坑中至一百五日取出水洗瘡風

中四十九日劈開取藥研為細末每服半錢新汲水下

一百四十七鼠粘子湯是瘡疹出太盛解毒門內消毒散加防風治療與方同

一百四十八斑瘡入眼目方

牛蒡子

人參各二兩

右同研為細末每服二錢糯米薄粥調下神效不可具述治瘡疹出不既出不正色

先用粉葛一味為細末每服三錢用椎鷄頭一箇搗爛入乾葛末在內每用水二鍾煎至一鍾去粗服其驗如神

太醫院經

